

19. LA no. 2  
DEFFAICTE

DE QUATRE

CENTS HOMMES PAR

le sieur de Mont-Real, auprès

de Nismes en Lan-

guedoc.

ENSEMBLE LA VICTOIRE

obtenüe par Monseigneur de Montmo-

rancy sur les troupes du sieur de

Chastillon.

*du 12 d'oult 1621*



A PARIS,

Chez IOSEPH GVERREA V, rue saint

Iacques, à la petite Hotte pres

saint Yues.

*Avec Permission.*

*1621*

NEW

AND

OLD

LIBRARY

OF THE

UNIVERSITY OF

OXFORD

PRINTED BY

JOHN CLARKE

AT THE



1815

1815

1815


1815



# LA DEFFAICTE DE

quatre cens hommes , par le  
Sieur de Mont-Real au res de

Nismes en Languedoc.

 Epuis que nostre Roy  
Louys le Iuste, chere &  
viuante Image de Dieu,  
tient le timon de ce fameux Em-  
pire, il n'a point vescu comme  
les Poulpes dans les eaux douces,  
Mais comme les Dauphins par-  
my les tempestes de la rebellion;  
qui vouloient profaner ses fleurs  
de Lys: se prodiquant au travail  
& à la peine, tout couuert de  
poussiere, affin de s'opposer aux  
pernicieux desseins de ces esprits  
desnaturez, qui sont ennemis ca-  
pitaux des delices generales de

la France , imitant en ceste genereuse & charitable resolution. Ces antiques Dions , Camilles , Quintes Curces & Codrus , qui prefererent le salut du peuple à leur particulier interest.

Ce debonnaire Monarque vray Pelican qui s'abandonne aux dangers pour sauuer les siens , Genie tutelaire de cét Estat, miraculeux S. Herme tousiours attaché sur le tillac de ce grand vaisseau qui ne redoute point les bourasques du monde , qui comme vn autre Alcide en sa plus tendre enfance estouffa les serpents au berceau, & qui par l'heureux succez de ses armes, oblige ses aduersaires mesme d'aduouer que la victoire n'a des aisles que pour luy. Prince incomparable en son bon-heur, Surgeon sacré de S. Louys, pour



qui les Anges apportèrent mystérieusement la sainte Ampoule icy bas, assisté de toutes les intelligences celestes, qui voit son Throsne soustenu par les Hierarchies diuines, appuyé d'autant de graces, qu'il y auoit de Lionceaux qui soustenoient celuy de Salomon :

Le Roy en ses occasions ou l'honneur, faict essay des braues courages, ne manque ny de fideles Conseilliers, ni de vaillans Capitaines, ayant de son party tous les Princes & grands Seigneurs de son Royaume, qui dans les villes & Prouinces desquelles sa Maiesté leur a commis le Gouuernement, font de si beaux faits d'armes, qu'il les peut veritablement appeller les Boucliers de la couronne & les Arcs-boutans de

ceste Monarchie Francoise.

Entre ces Grands & Illustres Capitaines qui s'exposioient avec plus de zele & d'ardeur au seruice du Roy , parmy les esmotions presentes que nos ennemis suscitent en plusieurs & diuers lieux de la France , est remarquable & digne de recommandation à la posterité. Monseigneur de Montmorancy Admiral de France , legitime heritier & successeur des merites d'une suite de Connestables qui viuront eternellement dans la bouche des Historiographes.

Ce braue Seigneur à rendu des preuues notables de sa generosité en la prouince de Languedoc , dont il est Gouverneur pour sa Maiesté , monstrant aux yeux de la France le soing particulier qu'il

a de conseruer l'honneur de son Prince , & faisant veoir que la bonnefortune accompagne inseparablement sa valeur. voicy la relation veritable de ce qu'il a exploicté.

Ceste occasion que la renommee pousse plus loing que toute l'estendue des siecles futurs arriuee en Languedoc à l'auantage de Monseigneur de Montmorancy qui continue sans aucun relasche de mettre sa vie & ses biens au harard de la guerre pour la querelle de son Roy , est vn exemple infaillible du bon-heur qui fauorise le iuste effect de ses armes.

Le 15. de cc mois d'Aoust 1621. iour qui doit estre insere dans les fastes , Monsieur de Blacon Huguenot sortit de Nismes avec 1200. hommes de pied , & deux

pieces de canon , pour assieger  
vn petit chasteau qui est fort pro-  
che de Nismes: Auec ceste troup-  
pe il croyoit vaincre sans combat-  
tre, & surprendre au despourueu  
ceste place qui n'estoit pas capa-  
ble de luy resister? Mais comme  
il s'acheminoit à ceste victoire i-  
maginaire, esperant de rempor-  
ter dans Nismes à son retour la  
gloire d'auoir vaincu, le Sieur de  
mont-Real Marechal de Camp,  
des troupes de Monseigneur de  
Montmorancy, braue, vaillant,  
& vigilant, & doué des perfe-  
ctions qui rendent vn Capitaine  
recommandable, ayant receu les  
nouuelles de ceste entreprise par-  
tit incontinent pour aller secourir  
ledit Chasteau, avec le Regiment  
de Monsieur le marquis de Por-  
tes, & celuy de Perault. D'abord  
il



il charge si viuement, & avec vne si genereuse pretention d'honneur les ennemis, qu'il met en defroute ledit Blaçon, tuë & foule aux pieds quatre cens hommes triomphe de beaucoup de prisonniers, gaigne l'artillerie, butine les munitions, & preferant d'estre vainqueur aux despouilles enrichit les soldats de leurs bagages. Le Sieur de Mont Real perdit fort peu de ses gens de guerre.

Le bruiet de ceste deffaicte, s'espandit incontinent par tout le Languedoc, & paruint à la cognoissance de monsieur de Chastillon qui pour venger la honteuse disgrace de ceux de son party, se mit en deuoir de les secourir promptement, son arriuee qui comme vn tonnerre menaçoit de mettre en ruine quiconque em-

pescheroit le cours de ses proiets , obligea monseigneur demontmorancy d'aller luy mesme en personne avec de la caualerie , pour raualler l'audace des ennemis, qui vouloient s'accroistre à ses despens , & bastir leur trophée sur le tombeau des siens.

Le Sieur de Chastillon chef des Huguenots, qui sont en Languedoc, pour auoir esté nourry toute sa vie aux Academies de Hollande , ou il auoit appris les rudimens de la guerre , & veu les reigles militaires du Comte maurice Prince d'Aurenge , s'imaginait tousiours vaincre & n'estre iamais vaincu. Ses propositions pour se reuanger de la deffaicte de Blacon furent inutiles. Le Ciel qui prefere aux combats , ou il y va de l'interest du Roy, en ordonna

d'une autre façon , car monseigneur de monmorancy sous l'escorte de sa cavalerie , qui fit en ceste occasion d'incroyables exploits animé du iuste ressentiment de voir sa reputation en la balance inegalle de l'incertitude d'un combat , se ressouvénant de la perte d'Anne de monmorancy Connestable de France qui fut laschement tué par les huguenots en la bataille de saint Denis sous le regne du Roy Charles neufiesme , se laisse emporter par ces considerations assés sensibles, dans la meslee , ou son courage tout en feu parut comme un Astre de mars qui marque la frayeur sur le front des ennemis rebelles.

Ceste charge fut aspre & furieuse , plusieurs soldats finirent

leur vie au lieu d'honneur, expirant fous l'horreur des coups sacrifiez aux efpees victorieufes des caualiers dudit Seigneur de Montmorancy, lequel n'ayant guerres perdu de foldats, contraignit le Sieur de Chastillon de fe retirer avec grande perte des fiens.

Ainsi voila la narration veritable des actions glorieufes de Monfeigneur de Montmorancy, digne des Lauriers & des Palmes dont on guerdonne ordinairement les victorieux, pour auoir terraffé les monftres de Difcorde & ces fuiects mutins, qui ne recognoiffant autre fuperiorité que leur folle obftination & oppiniatreté, ignorent que Dieu ait donné loy aux peuples d'obeir aux Roys qui le representent comme l'imagela chose, & le fuiuent comme



l'ombre fait le corps.

Ces rebelles qui ferment leurs portes à leur Prince legitime, qui tournent leur fer offensif contre l'Oinct du Seign, qui desobeissent ces commandemens, ne sçavent pas qu'en toutes choses bien reiglees & policees il faut vn superieur, que mesme en la musique laigu commande au graue, que le Soleil est le Roy des Astres, que la Lune est Reyne les humiditez, que le feu agit sur les autres elemens qui sont materiels, que l'Aigle est le Prince des oyseaux, & le Lion celuy des bestes quadruples, que dans la mer le Dauphin est Monarque des poissons, & aux estangs le Brochet marche le premier. Pourquoi donc eux ces mutins, qui portent le nom d'hommes obligez de se renger à

4

quelque ordre que la nature & la  
raison nous enseigne ne veulent  
ils point consentir à l'obeissance,  
La iustice & la bonté iointes en-  
semble feront litiere des charon-  
nes mortes de ces barbares, mil-  
le fois plus infidelles que les Turcs  
qui quoy que priuez de la lumie-  
re du S. Esprit, ne parlent à leur  
grand Sultan qu'à genoux, les  
yeux & la teste baissée en terre,  
le recognoissant pour vne supre-  
me Deité du monde, fauorite de  
leur faux Prophete mahomet.

Le Roy qui est touché iusques  
au vif du crime capital des rebel-  
les, à bon nombre de Grands  
Seigneurs ses partisans, qui d'une  
esgalle valeur seconduent les inten-  
tions de Monseigneur de Mont-  
morency feront trembler les mu-  
railles de Montauban qui se fiant

en ses fortifications, & ne se conformant point à l'exemple de tāt de villes de son parry qui se sont rendues à la clemence de leur Prince attirera sur soy la malediction du Ciel, Senferre, Gergeot, Saumur, villes des bords de Loire, Touars, Parthenay, Fontenay le Comte, Niort, saint Maixant, Chastelleraut, & Pôts villes de Poictou & de Xaintonge avec ceste quantité de villes & de peuples des riuages & des environs de la Garonne au pays de Guyenne, ont toutes feschy sous la debonnaireté du plus Grād Roy que le Soleil vit iamais auquel les destins ont reserué l'entiere conqueste & victoire de ces villes mutinees, comme la Rochelle, Mōtauban, Nismes, Aiguemortes, & autres leurs complices, que

sans faute on verra en peu de tēps  
 (si elles ne luy obeyssent) redui-  
 tes au mesme malheur & desola-  
 tion de Troye, Carthage & Ga-  
 mance qui toutes trois perirent  
 par les flammes, & ne se releue-  
 ront iamais des ruines où elles se  
 sont enseuelies. Je souhaitte de  
 bon cœur que la saincte incon-  
 stance des presens troubles nous  
 face reuoir le nid des Alcions, &  
 que la paix remette l'vsage du  
 ris dans l'ame des plus oppressez  
 dés la guerre.

F I N.